



REPUBLIKA E SHQIPËRISË
KOMISIONERI PËR MBROJTJEN NGA DISKRIMINIMI
KOMISIONERI

Nr. 1348/5 prot.

Tiranë, më 11. 08. 2026

V E N D I M

Nr. 217, datë 11. 08. 2026

Bazuar në pikën 11¹, të nenit 33, të ligjit 10221/2010 “Për Mbrojtjen nga Diskriminimi”, të ndryshuar, Komisioneri për Mbrojtjen nga Diskriminimi²,

K O N S T A T O N:

Mbështetur në nenet 32 dhe 33, të ligjit 10221/2010 “Për Mbrojtjen nga Diskriminimi”, të ndryshuar, Komisioneri për Mbrojtjen nga Diskriminimi, ka ndjekur të gjithë hapat që parashikon procedura e hetimit administrativ, për të shqyrtuar ankesën nr. 70, datë 03.04.2024, të Sindikatës së Gardës së Republikës së Shqipërisë, kundër Gardës së Republikës.

Bazuar në Ligjin 10221/2010 “Për Mbrojtjen nga Diskriminimi”, të ndryshuar, në përfundim të procedurës së hetimit, Komisioneri ka dalë me Vendimin Nr. 188, datë 27.06.2024, me anë të të cilit, ka vendosur:

1. Konstatimin e diskriminimit të anëtarëve themelues të Sindikatës së Gardës së Republikës së Shqipërisë, në të drejtën për punësim dhe profesion, për shkak të përkatësisë në sindikatë, nga ana e Gardës së Republikës.
2. Konstatimin e diskriminimit të B. N., M. H. dhe A. Ll., në të drejtën për punësim dhe profesion, për shkak të përkatësisë në sindikatë, nga ana e Gardës së Republikës.
3. Në referim të pikës 1 dhe 2, Garda e Republikës, të marrë masa për rivendosjen në vend të të drejtës së shkelur të anëtarëve themelues të Sindikatës duke shfuqizuar në mënyrë të menjëhershme masat disiplinore “Vërejtje” dhe “Shtyrje të afatit të gradimit për 2 vjet” për M. H.

¹ “Nëse Komisioneri urdhëron rregullime ose masa, personi kundër të cilit është paraqitur ankesa, raporton brenda 30 ditëve para Komisionerit në lidhje me veprimet e ndërmarra për zbatimin e vendimit. Në rast se personi, kundër të cilit është paraqitur ankesa nuk e informon Komisionerin ose nuk e zbaton vendimin, Komisioneri vendos masë për ndëshkimin me gjobë për personin kundër të cilit është paraqitur ankesa. Sanksioni me gjobë shfuqizohet nëse personi kundër të cilit është paraqitur ankesa, e zbaton vendimin brenda shtatë ditëve pasi është vendosur sanksioni”.

² Në vijim do t’i referohemi si Komisioneri ose me akronimin KMD.

4. Në referim të pikës 2, Garda e Republikës, të marrë masa për rivendosjen në vend të të drejtës së shkelur duke rikthyer në vendin e mëparshëm të punës B. N. dhe A. Ll.
5. Bazuar në nenin 33 pika 11, të ligjit “Për Mbrojtjen nga Diskriminimi”, të ndryshuar, Garda e Republikës, detyrohet që brenda 30 (tridhjetë) ditëve të njoftojë Komisionerin, lidhur me veprimet e ndërmarra për zbatimin e këtij vendimi.
6. Në referim të nenit 33, pika 11, të ligjit nr. 10221, datë 04.02.2010, “Për Mbrojtjen nga Diskriminimi”, të ndryshuar, moszbatimi i këtij vendimi sjell si pasojë ndëshkimin me gjobë, sipas parashikimeve të pikës 13, të po këtij neni.
7. Kundër këtij vendimi lejohet ankim në Gjykatën Administrative të Shkallës së Parë Tiranë, brenda 45 ditëve nga marrja dijeni.

Komisioneri për Mbrojtjen nga Diskriminimi me shkresën nr. 1348 prot., datë 13.07.2026, drejtuar Gardës së Republikës, i kujtoi dërgimin e informacionit për zbatimin e vendimit, sa i përket marrjes së masave për rivendosjen në vend të të drejtës së shkelur për anulimin e masave disiplinore të dhëna ndaj anëtarëve të Sindikatës së Gardës së Republikës së Shqipërisë dhe rikthimin në pozicionet e mëparshme të punës të Kryetarit dhe Nënkrutarit të saj.

Në zbatim të vendimit të Komisionerit, Garda e Republikës, përmes shkresave nr. 1824/2 prot., datë 24.07.2026 dhe nr. 1824/4 prot., datë 04.08.2026, informoi se janë anuluar masat disiplinore të dhëna ndaj anëtarëve të Sindikatës, ndërsa rikthimi në punë i Kryetarit dhe Nënkrutarit të saj nuk është bërë objekt zbatimi për shkak se është vlerësuar t’i nënshtrohet kontrollit gjyqësor.

Sa më sipër, rezultoi e provuar se, Garda e Republikës, në cilësinë e subjektit të gjetur përgjegjës për sjelljen diskriminuese, nuk ka marrë masa për zbatimin e plotë të Vendimit Nr. 188, datë 27.06.2024, të Komisionerit. Në këtë mënyrë, Garda e Republikës nuk ka përmbushur detyrimin e plotë ligjor të parashikuar nga neni 33, pika 11, të ligjit nr. 10221/2010 “Për Mbrojtjen nga Diskriminimi”, të ndryshuar. Ky mosveprim, kjo mospërmbushje e këtij detyrimi ligjor, në bazë të nenit 33, pika 11, të ligjit të sipërpërmendur, shoqërohet me marrjen e masave administrative, gjobë. Për personat juridik, siç është në rastin konkret Garda e Republikës, në nenin 33 pika 13 të ligjit 10221/2010 parashikohet se : “Çdo person që shkel dispozitat e këtij ligji dënohet me gjobë si më poshtë”:..... b) personi juridik nga 60.000 deri në 600.000 lekë;..... ” .

Për sa më sipër, Komisioneri për Mbrojtjen nga Diskriminimi arrin në konkluzionin se, Garda e Republikës është në shkelje të detyrimit ligjor të përcaktuar në nenin 33, pika 11, të Ligjit nr. 10221/2010 “Për Mbrojtjen nga Diskriminimi”, të ndryshuar, shkelje e cila sipas parashikimeve të kësaj pike, është e dënueshme me gjobë.

Në lidhje me masën e gjobës, Komisioneri mban në konsideratë parashikimet dhe kriteret e vendosura në nenin 33, pika 12, të Ligjit nr. 10221/2010 “Për Mbrojtjen nga Diskriminimi”, të ndryshuar, ku sanksionohet se: “12. Kur vendos masën, komisioneri siguron që ajo të jetë: a) e efektshme dhe parandaluese; dhe b) në përpjesëtim me gjendjen që e shkaktoi vendosjen e masës. Nëse vendoset gjobë, komisioneri përcakton shumën e gjobës duke marrë parasysh: i) natyrën dhe

fushën e veprimit të shkeljes dhe ndikimin mbi viktimën; dhe ii) rrethanat personale e financiare të shkelësit, veçanërisht duke marrë në konsideratë të gjitha burimet e të ardhurave dhe nëse shkelja kryhet nga një person juridik privat, merren parasysh aktivet e bilancit dhe fitimi, si dhe pagat totale të paguara punonjësve; c) nëse e njëjta shkelje diskriminon disa persona, vendoset vetëm një gjobë, por duke marrë parasysh kërkesat e shkronjës “b” të këtij neni”.

Duke mbajtur në konsideratë kriteret e mësipërme për përcaktimin e masës së gjobës dhe bazuar në faktin që, Garda e Republikës nuk është përsëritëse në konsumimin e shkeljeve të së njëjtës natyrë dhe ka zbatuar pjesërisht vendimin: Komisioneri, arrin në përfundimin se, Garda e Republikës duhet të gjobitet me 60.000 (gjashtëdhjetë mijë) lekë, për moszbatimin e Vendimit Nr. 188, datë 27.06.2024, të Komisionerit.

PËR KËTO ARSYE:

Mbështetur në nenin 32/1, shkronja “ç”, neni 33, pikat 11, 12, 13/b dhe 14, si dhe nenin 33/1, të ligjit nr. 10221, datë 04.02.2010 “Për Mbrojtjen nga Diskriminimi”, të ndryshuar, Komisioneri për Mbrojtjen nga Diskriminimi,

V E N D O S I:

1. Garda e Republikës, të gjobitet në vlerën 60.000 (gjashtëdhjetë mijë) lekë, për moszbatimin e plotë të Vendimit Nr. 188, datë 27.06.2024, të Komisionerit për Mbrojtjen nga Diskriminimi.
2. Gjoka të derdhet në Buxhetin e Shtetit, brenda 45 ditëve nga marrja dijani.
3. Pagesa e kësaj vlere të bëhet pranë çdo banke në llogarinë e thesarit Tiranë, për llogari të: Komisioneri për Mbrojtjen nga Diskriminimi, NIPT: L02027451K, Kodi i institucionit përfitues: 1091001, Kodi i Degës së Thesarit: 3535, Kodi i llogarisë ekonomike: 7115499.
4. Zbatimi i Vendimit Nr. 109, datë 29.04.2026, të Komisionerit për Mbrojtjen nga Diskriminimi, brenda 7 (shtatë) ditëve nga marrja dijani për sanksionet, sjell shfuqizimin e tij.
5. Kundër këtij vendimi lejohet ankim në gjykatë, brenda 45 ditëve nga marrja dijani, sipas parashikimeve ligjore të Kodit të Procedurave Administrative, të ndryshuar.

KOMISIONER

Genta TAFA (BUNGO)